



Berrien buletina

Agoizko Udala

www.agoitz.eus



103 ZK.- 2026KO MAIATZA (APIRILEKO LABURPENA)

HILTEGI ZAHARREKO ERABERRITZEA, ONETSITA

Agoizko Udalak hiltegiko eraikin zaharra eraberritzeko proiektua onartu du. Funtsezko urratsa da udal espazio horri erabilera berria emateko, aspaldian ez baitzen bertan inolako jarduerarik. Juan Catalán eta Pablo Palacios ingeniari industrialek 2026ko martxoan idatzi zuten jarduketa, higiezinaren eraberritze integrala planteatzen duena.

Gaur egun, eraikineko leku bakoitzaren kontserbazio egoera desberdina da, estalkia narriatuta dago eta barruko espazioak zaharkituta daude. Proiektuaren arabera, teiltatu osoa aldatuko da eta metalezko egitura izanen duen solairuartea egingen da. Horri esker, barrualdea berrantolatu eta erabilera berrietara egokitu ahal izanen da.

Esku-hartzearen barruan sartzen da, gainera, itxiturak, instalazioak eta akaberak berritzea, bai eta multzoaren segurtasun-, irisgarritasun- eta eraginkortasun-baldintzak hobetzea ere. Helburua da hiltegi zaharra espazio funtzional bihurtzea,



jarduera publiko eta komunitarioetarako prestatua.

Jarduketa hau birgaitzearen lehen fasea izanen da, eta eraikinaren egitura lehengoratzeko eta egokitzapen orokorra egitea du helburu. Aurrekontu orokorra 217.000 euro baino gehixeagokoa da, eta Itoizko inguruenari lotutako Lurralde Garapen Iraunkorreko programaren barruan dago. Programa hori Nafarroako Gobernuak finantzatzen du, inguruko

hainbat udalekin lankidetzan. Udalak bigarren fase bat egitea aurreikusi du hurrengo ekitaldian, espazioen barnealdea eta ekipamendua egokitzeko, 200.000 euro inguruko inbertsioa eskatuko duena.

Udalak onartu ondoren, akordioa Lurralde Kohesiorako Departamentuari helarazi zaio, datozen hilabeteetan obrak egitea ahalbidetuko duen dirulaguntzaren formalizazioarekin aurrera egiteko.

KANPONDOKO KALEETAKO ZOLAREN BERRITZEA

Agoizko Udalak apirilean onartu zuen Kanpondoa auzoko kaleetako zoladura berritzeko proiektua, Nafarroako Gobernuaren 2026-2028 Toki Azpiegituren Planaren barruan. Dokumentu teknikoak urbanizazioko bide nagusietan esku-hartze osoa egitea definitzen du, horiek baitira etxebizitza guztietarako sarbidea ematen dutenak.

Zolako harriak narriatzen ari dira, eta hori da jarduketaren arrazoia. Piezak puskatu eta mugitu dira, eta zoruaren jarraitutasuna galtzea eragin dute. Egoera hori larriagotu egin da eguneroko trafikoagatik eta zerbitzuak igarotzeagatik, hala nola hondakinak

biltzeagatik. Ondorioz, zoladuraren egitura-akatsak gertatu dira.

Proiektuaren arabera, egungo zorua ordez hormigoizko zoladura jarriko da, erresistentzia handiagoa eta azalera erregularragoa bermatzeko. Gainera, kanal zentral bat egingen da euri-uren hustuketa hobetzeko eta bidearen oinarria kaltetzen duten putzuak sortzea saihesteko.

Lizitaziorako oinarritzko aurrekontua 284.123 eurokoa da, BEZa barne. Akordioa Toki Azpiegituren Zerbizura bidaliko da, foru araudian aurreikusitako tramitazioarekin jarraitzeko.



AYUNTAMIENTO DE AOIZ
AGOIZKO UDALA



AGOITZ JASANGARRIA
AOIZ SOSTENIBLE

Gobierno de Navarra
Nafarroako Gobernua



AGENDA
2030

AGOIZKO UDALAREN KOMUNIKAZIO, INFORMAZIO ETA PARTAIDETZA PLANA 2025

ARGI BERDEA, LAN JAZARPENAREN AURKAKO PROTOKOLOARI

Agoizko Udalak joan den apirilaren 9ko bilkura berezian onartu zuen laneko jazarpenari aurrea hartzeko eta aurre egiteko protokoloa, horrelako jokabideen aurrean udalaren erantzuna agintzen duen tresna.

Dokumentuaren helburua da lan-eskubideak eta segurtasun- eta osasun-baldintza egokiak bermatzea,

prebentzioa eta esku-hartzea uztartzen dituzten neurrien bidez. Barnean hartzen ditu sentsibilizazio-, informazio- eta prestakuntza-ekintzak, bai eta barne-prozedura bat ere, erakundearen barruan gerta daitezkeen kasuak bideratzeko eta konpontzeko.

Protokoloak jarduteko jarraibide argiak finkatzen ditu, inplikaturako

pertsonen funtzioak zehazten ditu eta laneko duintasunean eragina izan dezaketen egoeren aurreko erantzuna indartzen du.

Akordioak aurreikusten du, halaber, ordezkariak sindikalari eta udal-plantillari helaraztea, bai eta mendeko erakundeetara ere, jakinaren gainean egon daitezkeen eta aplikatu daitezkeen.

3.150 BIZTANLE GARA DAGOENEKO

Agoitzek bere udal-errola eguneratu du 2026ko urtarrilaren 1ean; guz-

tira, 3.150 biztanle ditu, hau da, 41 pertsona gehiago aurreko urtearen

aldean. Hazkundera bere horretan dirau, baina azken ekitaldian baino kopuru handiagoetan. Sexuen arabera banaketa orekatua da: 1.603 gizon eta 1.547 emakume. 2025ean 268 alta izan ziren eta 227 baja, beraz, saldo positiboa izan da. Lanean hasi direnen artean, bizileku-aldaketak nabarmentzen dira, bai beste udalerrira batzuetatik, bai atzeretik, jaiotzez gain.

Bajak, batez ere, herritik kanpo egindako lekualdatzeak eta 16 hildakok eragin dituzte. Migrazio-balantzea aldekoa da berriz ere, irteerak baino etorrera gehiagorekin. Horrez gain, 45 bizileku-aldaketa egin dira udalerrian bertan, eta datu horrek barne-mugikortasuna ere islatzen du.



UDALAK DIRUZ BABESTU DITU 2026KO HERRIKO EKIMENAK

Agoizko Udalbatzak argi berdea eman die 2026rako hainbat dirulaguntzari, jarduera soziala, hezkuntza eta euskararen sustapena sustatze aldera.

Horien artean, 300 euroko dirulaguntza onartu da erretiratuen, pensiodunen eta alargunen plataformarentzat. Era berean, 1.120 euroko laguntza eman zaio Sarean entitateari, gizarte-arloari lotuta. Hezkuntzari dagokionez, San Miguel Guraso Elkar-teak 2.000 euro izanen ditu datorren urtean jarduerak garatzeko.

Gainera, euskararen normalizaziorako deialdiaren barruan, AEK-k 1.000 euroko ekarpena jasoko du. Aldiz, kultura-taldeentzako laguntza-lerroa esleitu gabe geratu da, ez

baita eskaerarik aurkeztu. Erabaki horiekin, Udalak tokiko bizitza dina-

mizatzen duten kolektiboetara ematen dien laguntzari eusten dio.



AGOITZEK HANDITU DITU NAFARROA EZAGUTU SAREKO IBILBIDEAK

Agoizko Udalak beste urrats bat eman du bere espazio naturalen garapenean, Eurovelo 3 ibilbidean sartuta, herria igaroko baitu, eta Iratiko Bidearen trazadura hobetu-

ta (Nafarroa Ezagutu Sarearen barruan dago). Erabakia apirilaren 9an hartu zen, eta entitateak eskatutako baldintza teknikoak bete ondoren formalizatu da.



Agoitzek, 2018tik sarearen barruan dago, dagoeneko finkatuta dauden bi ibilbide antolatze eta proiektatzeko apustua berretsi du, Foru Komunitate osoan ehun entitate inguru biltzen dituen egitura batean duen presentzia indartuz. Izapidean barne hartu dira dokumentazio deskribatzailea prestatzea eta barne-araudian ezarritako gutxieneko irizpideak egiaztatzea.

Eurovelo 3 trazadura sartzeak eta Iratiko bidexka hobetzeak aukera ematen dute erabilera publikoaren kudeaketan aurrera egiteko eta inguruneari balioa emateko, Ezagutu Sarearen ereduarekin bat etorritik, eta aukera berriak zabaltzen dituzte turismo arduratsuari eta tokiko jarduerari lotutako ekimenak bultzatzeko.

BULTZADA, ESQUALDEKO TURISMO IRAUNKORRARI

Zangoza-Prepirinio eskualdeak turismoa eraldatzeko hainbat proiektu aurkeztu zituen, Next Generation funts europarrekin finantzatuta, Helmutzako Jasangarritasun Turistikoko Planaren barruan. Jardunaldiak Irunberrin eta inguruko beste udalerrira batzuetan bildu zituen erakundeetako ordezkariak, alkateak, tokiko erakundeak eta turismo-sektoreko profesionalak.

Bisitan, Agoitzen, Irunberrin, Ledean, Elon edo Eslaban dagoeneko egin diren edo martxan dauden hainbat jarduera ezagutzera eman ziren. Horien artean nabarmentzekoak dira babesleku klimatikoaren sorrera, bidexken hobekuntza eta konexioa, zirkulazio-erako baliabide berriak eta naturako ondareari eta turismoari lotutako digitalizazio-jarduerak.

Agoitzen kasuan, planak bidezidoren sareko esku-hartzeak, Longidarekiko lotura, bizikletak konpondu eta alokatzeko zentro bat eta ondare- eta paisaia-balorizazioko proiektuak biltzen ditu, hala nola Zalurri-

barko monasterioaren ingurua edo orkidea-parkea berreskuratzea. Ekinmen digitalak ere garatu dira, hala nola "Agoitzen kale bat dago" edo "Kontaidazu Agoitz". Nafarroako Gobernuko Kultura, Kirol eta Turismo

kontseilari Rebeca Esnaolak nabarmentzen duen inbertsio horiek "errespetuzko eredu turistiko planifikatu eta iraunkorra" sendotu nahi dutela, lurraldean bizi direnen ondarearekin eta ongizatearekin lotuta.



HORMIRUDI KOLEKTIBO BAT, PALESTINARI LEHIO BAT IREKITZEKO

Agoitzek hormirudi berri bat du Kultur Etxearen ondoan, UNRWA Nafarroak Frida y Punto artistarekin elkarlanean bultzatutako Ventanas a Palestina proiektuaren barruan. Esku-hartzeak IESO Agoizko 60 ikasle eta irakasle baino gehiago bildu ditu, eta obraren diseinuan eta exekuzioan parte hartu dute.

paziente gazte bat artatzen. Eszenak olibondo bat eta leiho bat ditu zaintzaren, osasunerako sarbidearen eta babesaren sinbolo gisa. Desplazamendu behartuko testuinguruetan bizitzari eusten dioten emakumeen rolean jartzen du arreta proposamenak.

Lan-saioak urtarrila eta otsaila bitartean egin ziren, ikasgelan gogoeta eta espazio publikoan sorkuntza ar-

tistikoa uztartuz. Emaizta eguneroko ingurunetik herritarrak interpelatzea da, hurbiletik haratago begiratzeragonbidatuz.

Ekimena ikasturtean zehar Nafarroako hainbat herritan muralak egitea aurreikusten duen programa zabalago baten parte da. Agoitzen, hirigune bat hobetzeaz gain, hezkuntza, artea eta giza eskubideak lotzen dituen irudia uzten du.



MEMORIAK AHOTS GAZTE BAT DAUKA SARTAGUDAN

Sartagudako Memoriaren Parkeak Oroimena duten Eskolak belaunaldien arteko VII. Topaketa hartu zuen apirilean, eta Nafarroako hainbat ikastetxetako 400 ikasle inguruk hartu zuten parte, tartean Agoizko DBHIkoak, 1936ko kolpearen ondoren eraildako pertsonen senideekin batera. Memoriaren Nafarroako Institutuak antolatu zuen ekimena, eta belaunaldien arteko zubiak eraiki zituen esanahiz betetako espazio batean.

Goizean zehar, testigantzak parkeko hainbat puntutan eman ziren, ikasleek artean interesa eta galderak piztuz. Ikasleek bizipen horietara zuzenean hurbildu ahal izan zuten. Horrez gain, eskulturak eta haien sinbolismoa ezagutzeko ibilbide gidatua egin zen, eta tailer artistiko bat ere egin zen, parte hartu zuten ikastetxeek prestatutako lanen



aurkezpenarekin, antzerkiari, musikari eta ekintza sinbolikoei buruzko proposamenekin. Azken ekitaldiak oroimena bizirik mantentzearen

garrantzia azpimarratu zuen, baita gazteek errespetuan eta justizian oinarritutako bizikidetzaren bermatzaile gisa duten zeregina ere.

AGOITZEK GAZTEENTZAKO INFORMAZIOA INDARTU NAHI DU

Agoizko Udalak Gazte Informazio Gune bat jarri du martxan aurre Kultur Etxean, gazteei eskura dauden jarduerak eta baliabideen eskaintza hurbiltzeko helburuarekin. Gune berri honek urtean zehar herrian antolatzen diren tailer, ikastaro, ekitaldi eta proposamenei buruzko informazioa biltzen du.

Ekimena osatzeko, GAZTE KANALA sortu da, mugikorrean abisua eta berriak zuzenean jasotzeko pentasatutako hedapen zerbitzua. Kanal horren bidez, intereseko planak, jarduerak eta hitzorduak partekatzen dira, komunikazio arin eta egune-

ratua emanen dutenak. Hurrengo proposamenen artean, aurre-begirale izateko doako ikastaro bat nabarmentzen da, 14 eta 17 urte bitarteko gazteentzat. Ekainaren 29an eta 30ean eta uztailaren 1ean eta 2an egingen da. Gizartetxean izanen da, 10:00etatik 14:00etara, azken egunean izan ezik, 18:00ak arte luzatuko baita.

Tresna horiekin, Udalak informazioa eskuratzeko erraztasunak eman nahi ditu, eta tokiko bizitzan parte hartzea erraztu. Interesa dutenek GAZTE ALTA mezua bidali dezakete 690 63 05 30 telefonora.



ZORTZIGARREN RAPOESIA-EDIZIOA ARRAKASTATSUA IZAN DA: 800 IKASLE BAINO GEHIAGOK PARTE HARTU DUTE

RaPoesiaren zortzigarren edizioa udaberri honetan amaitu da, hamar ikastetxetako 800 ikasle baino gehiagok parte hartuta, horien artean Agoizko DBHI. Raparen bidez literatura ikasgelara hurbiltzeko duen proiektua osasuntsu dagoela berretsi da.

Azken hilabeteetan, ikasleek 27ko belaunaldiari lotutako poesia eta

baliabide literarioak landu dituzte, sortze prozesua lagundu duten musikako profesionalak gidatuta.

Emaizta martxoaren amaieran Baluartean egindako azken galan aurkeztu zen. Bertan, gazte parte-hartzaileak eszenatokira igo ziren beren konposizioak interpretatzeko eta aurkezpen- eta dinamizazio-lanak egiteko. Ekimenak, Nafarroako Go-

bernuaren eta toki entitateen babes instituzionalarekin bultzatua, elkarlaneko ikaskuntza indartzen du eta hainbat hezkuntza arlo eta testuinguru lotzen ditu. Irakasleak adierazpide pertsonala eta talde-lana sustatzeko duen balioa nabarmentzen du, eta ikasleek, berriz, musika poesia aztertzeko eta inguruneari buruzko begirada partekatze bide hurbila aurkitzen dute.

AGOIZKO DBHI-K NAFARROA TEKNOZIENTZIAN PARTE HARTU DU

Agoizko DBHIko ikasleek Elhuyar Zientzia Azokaren zortzigarren edizioan parte hartu zuten apirilean | Nafarroa Teknozientzia, Baluartean, Nafarroako beste 14 ikastetxetako ikasleekin batera.

Azokak 12 eta 18 urte bitarteko 227 gazte bildu zituen, eta zientzia, teknologia, jasagarritasuna eta osasunarekin lotutako 51 proiektu aurkeztu zituzten. Jardunaldian zehar, taldeek ikasturtean zehar egindako lanak azaldu zituzten, eta sormena, ikerketarako gaitasuna eta gaitasun digitalak erakutsi zituzten.

Juan Luis García Unibertsitate, Berrikuntza eta Eraldaketa Digitaleko kontseilariak gazteen artean STEM bokazioak bultzatzeko beharra nabarmendu zuen, etorkizuneko



erronkei aurre egiteko. Halaber, emakumeek edizio honetan izan duten parte-hartze handia nabarmendu zuen. Ekimena NICDO – Iruñeko Planetarioak eta Elhuyarrek antola-

tu zuten, hainbat erakunde publiko eta hezkuntzakoren laguntzarekin. Topaketaren amaieran, parte-hartzaile guztiek diploma bat jaso zuten egindako lana eskertzeko.

UDALAK BABESA EMAN DIE KULTUR ARLOKO BI URTEURRENERI

Agoizko Udalak bi dirulaguntza onartu zituen apirilean, tokiko kultur egutegiko ospakizun nabarmenak babesteko. Alde batetik, Bilaketa Kultura Taldeak 7.000 euro jasoko ditu 50. urteurrena dela eta, hainbat

hamarkadatan kulturaren sustapenean egindako lanagatik.

Bestetik, Angiluerreka Kultur Taldeak 2.000 euroko ekarpena izanen du 40. urteurrena ospatzeko. Bi laguntza

horiek datozen hilabeteetan eginen diren ekitaldien zati bat ordaintzeko dira. Horrela, Udalak elkarteekin eta Agoizko bizitza kulturala aberasten duten ekimenekin duen konpromisoa azpimarratu du.

KULTUR BALANTZEA

Agoitzek agur eman zion apirilari, eta hilean zehar askotariko proposamenak izan zituen. Musikaren une nagusietako bat Nafarroako Musika Banden Federazioaren Banda Sinfonikoaren estreinaldia izan zen, 42 interprete bildu zituena "Esencia Navarra. Bakarlari handiak". Leire Unzué saxofoi-jotzaileak eta Javier Lorente tronpeta-jotzaileak hartu zuten parte emanaldian. Errepertorio horretan, obra ezagunak eta hain ohikoak ez diren beste batzuk uztartu zituzten, publiko zabalarentzat pentsatuta.

Dantza garaikideak ere leku garrantzitsua izan zuen Kultur Etxean. DNA programaren barruan, Led Silhouetteren "Ultimatum" -ek giza hauskortasunari buruzko gogoeta eszenikoa

planteatu zuen, eta Metamorfosis proiektuaren "Mundo falaz" -ek, berriz, nortasunari eta gizarte-ereduei lotutako gaiak jorratu zituen gazteen sorkuntzatik.

Literaturari dagokionez, Kati Leatxeren "Amatxi maitia" ren aurkezpenak lurraldeko emakumeen memoriara hurbiltzea eskaini zuen, ondareari eta genero-ikuspegiari buruzko hausnarketarekin elkarrizketan.

Programazioaren osagarri, Pello Guerraren "Mola y la huella de su matanza en Aoiz" hitzaldia, erretiratu kolektiboak bultzatua, eta Iñaki Ardanaz eta Irene Anularen "Acercamiento al trabajo de escenas I: del juego a la escena" tailer eszenikoa, antzerkian oinarritua.



MENDI LASTERKETAK ERREKORRA HAUTSI DU HAMARGARREN URTEURRENEAN

Agoizko Mendi Lasterketak ospatu zuen bere hamargarren urteurrena errekorrak hautsiz: 267 parte-hartzaile elkartu ziren apirilaren 11n. Proba erabat egonkortuta dago egutegian eta hazten jarraitzen du. Nafarroako rankingerako baliagarri, 14 km eta 850 metroko desnibel positiboko trazadura bakarra estreinatu zuen, eta inguruaren edertasun naturalaren erakargarri nagusi gisa mantendu da».

Kirol arloan, Paul Sasié nagusitasunez gailendu zen gizezkoetan, eta Eneritz Karasatorre izan zen azkarrena emakumezkoetan. Jardunaldiak taldekako lehiaketa ere barne hartu zuen, eta Iparaizeak garaipena lortu zuen, bederatzi taldek parte hartu zuten sailkapenean. Giro ona izan zen nagusi goiz osoan zehar, Merkatu Plazatik irten eta

jaien itxiera bazkari herrikoi baten inguruan izan zelarik. Lasterketak, horrela, bere proiektzioa indartu eta

bere indarra berretsi du, bigarren urtez jarraian, 200 inskripzioen muga gainditu ondoren.

